

Alti Mägd-Clique



Häfelischysser

Isch das nit e Schnitzelbangg?
Mir sin nonig grisegrangg,
Wil mer no ins Häfeli schysse
Und's Hosefidle mit Glanz verrysse.
Was by uns im Hafe stoht,
Schwätzt e mänge-n-im grosse Rot.

Friehner het als gsait so nätt
Unseri Jumpfere s'Schuelgibätt,
Aber abgeschafft het's der Schmuuser,
Gottlos sim-mer jetz und Luuser,
Uffglärt wärd, heisst's, sexuell
No jede vo-n-is, wenn er well.

Es het im Jubiläumsjohr
Is d'Fyrwehr gmacht e-n-Iebig vor.
Vorhär aber hänn die maischte
Gsoffe-n-und nyt kenne laische,
Jede het — s'isch allerhand —
Glescht sy aigne Risebrand.

D'Polizei mit Schwärt und Helm
Het uff der Batterie e Schelm
Gsuecht und het dä Kaib nit gfunde
Trotz Huusdurchsuechig vo obe bis unde,
Druff sin si haim go z'morge-n-lasse,
Und uff em Dach isch dä Vogel gsässe.

Immer neecher mecht zom Himmel
Unsre Piccard in sym Fimmel,
Nimmt er's nonemol in d'Händ,
Findet er en doch emänd,
Bis er heert zletscht d'Venus witzle:
<Piccard, kumm und due mi kitzle!>

Ohni Nummere ka me fahre,
Jetz mit jedem Velokare,
E Banderole hängt me-n-a,
Und meint derno, me kenn aim dra,
Duet aine di in Drägg hit drole,
Stand gschwind uff und lis d'Banderole.

In der Wiese by der Hitz
Wäscht e Schwob sich schwyzersyts,
E Gränzer fiehrt en — dä Fall isch nei —
Blutt, wie-n-er isch, uff d'Polizei,
Die schiggt en haimwärts in ere Deggi,
Fir's Schamgfuehl z'schon-n-uff där Streggi.

Z'Ziri hänn zwai nätti Schixli
Spile welle-n-e bitzli d'Nixli,
D'Schugger sin derzwische koh
Und hänn die baide mit sich gnoh
Und zuedeggt mit de zwai Kaput,
Die arme Nixli fidleblutt.

Kemmet alli am Sunntig z'obe noch der Fasnacht
am Sibeni in Musigsaal zuem Schlussobe von de
Comité-Schnitzelbängg.